

鄆寧縣志

序一

戰國時滕以區區五十里介於兩大旦夕危亡子輿氏教以井田學校世祿之制時人目爲迂遠而濶於事情嗚呼世亂如戰國國小如滕雖有管晏之才孫吳之畧富國強兵之奇策弗能救也無寧爲此以待後王之取法此子輿氏之苦心也今我國禍患之來甚於戰國鄉寧之僻陋褊小甚於滕連年慘遭陝寇蹂躪官民俱不聊生甚於齊楚不佞於軍書旁午千危萬險之中慨然有修志之舉其始也人皆以爲不急之務迨商之於空山人山人然之又商之於意空道人道人雖然之而若不勝其躊躇者蓋吾三

人之心皆子輿氏之心也而道人之審慎遲迴者則以時局艱迫朝不保夕山人又多病茲事體大慮有初鮮終也不佞乃集邑紳而議之曰鄉寧縣志失修百餘年文獻典章悉墜於地今擬修之凡興一事患無時無人無財今值改革之後無所忌諱直筆實錄俾成信史千載一時弗可失也山人道人皆具史才不煩幣聘不待外求交臂失之良可惜也所慮者無財耳五區區長各分局局長能任之乎僉曰善同心并力集資二千餘緡不佞以羣情之踴躍也決意爲之山人以桑梓攸關義不容辭也力疾爲之山人沒陝寇至道人所料者驗矣而道人以山人之手訂志

例煞費苦心也雖經奇險流離破家不得不獨力任之半載而稿脫又半載而鐫就有志竟成始願所不及也而吾感慨係之矣三代禮樂美備無過於周而孔子於夏殷之禮猶惓惓於杞宋豈非以一代之制古之人精意存焉考其制度可以驗其盛衰天下健者能革之於一時而不可泯之於千載也鄉寧舊志清乾隆時葛公清所修萬曆焦公守已志康熙張公聯箕志其書並佚後來者踵事增華則有餘博稽往迹則不足何則忌諱多則實錄少詳今略古亦修志之通病也今則不然寧繁毋簡寧增毋削寧詳於古毋偏於今覈實補缺綱舉目張較之舊志差爲詳備

太史公曰詩書隱約者欲遂其志之思也大抵聖賢發憤之所作爲也嗚呼禮失求野學在四夷世有秉董狐之筆繼龍門之作者則此書或亦壤土涓流之一助乎是爲序
中華民國六年冬月浙東趙祖朴

序二

予交空山人蓋昉自光緒癸卯歲同官關中時也關中牧令以科目出身者千百輩而大僚課吏每榜發山人輒冠其曹大僚異之同官異之適與予共一府王共掌文牘詢其籍則鄉寧詢鄉寧風土山川則與陝北濱河諸邑相似詢其所學則楊秋湄先生其師也無何山人宰臨潼四載予爲常調官頻年東馳西走國事日棘相戒引去庚戌冬山人辭官返里予宰韓城與鄉寧一河隔次年九月變作屢瀕於死山人招予奉母渡河避居其家予兩人變前名共負戴於世事絕不聞問而形影不離者七年予嘗向山

人索閱鄉寧邑乘山人輒輦蹙亂以他語至再至三乃出
書四冊示予曰此乾隆時舊志也雖體例不精猶有可觀
又出二冊曰此光緒辛巳續志也爲世誥病久矣予曰吾
聞山西通志及燕晉十餘邑方志皆秋湄主筆何獨闕於
桑梓之鄉曰此官斯土者之咎秋湄如之何哉予又曰設
有賢宰官於此以此事屬子何如曰是吾志也朝成書而
夕死可也乙卯歲屠侯蘭陔輯秋湄遺集山人喜過望繼
屠侯者諸暨趙侯滄波甫下車卽以邑乘爲憂丙辰歲賊
掠官府旱傷農田不果議今年春始定議而山人病矣於
是集資開局紳民踴躍將事山人力疾起草若凡例若職

官貢舉仕宦戶口各譜小序學制風土兩記皆出其手未
兩月疾革謂予曰吾病恐不起吾死子其成之予以人與
地不習辭山人曰毋旣卒未一月而陝寇大至予家蕩然
趙侯危險尤甚自後風聲鶴唳一夕數驚邦人救死不贍
更無議及此者而予流離顛沛筆翰弗衰或勸曰惠施死
莊子寢說子曷少安乎予泣然曰始諾之中輟之冥冥之
中負此良友予不忍也於是撤局省費攜稿至家繼晷焚
膏汲汲顧景抄撮簿記原無當於著述而以驚懼倥偬之
際運細鍼密縷之思遺漏麤疏自知不免矣前後歷旬十
五爲書十六卷本通志仍舊志者半案牘所增採訪所及

補苴未備者半夫纂修方志太平盛事也其文尙吉祥其辭工諛頌其留遺後世之念不敵其夸示當時之念而今悉反之境不同耶時不同耶抑自予視之不同耶旣不同矣何必爲之嗚乎世變至於今日實亙古所未有昔人於革故鼎新之際往往難已於言故明夷有待訪之書本穴有鐵封之史其事其人非予敢跂所跂者剝極而復亂極而治後有賢者繼起而續纂之易哀怨之變風爲吉祥之文字則庶乎有太平之一日矣歲在丁巳八月中澣黔南趙意空

鄉寧縣志

纂修姓氏

主修

七等嘉禾章第三屆保免試驗籤分山西任用鄉寧縣知事趙祖抗
浙江諸暨縣人

纂修

清賜同進士出身原任陝西臨潼縣知縣吳庚
本邑人改號空山人

清陝西漢陰廳通判癸卯科副貢趙意空
原名圻年舉人本籍江蘇

總理紳士

清分省試用府經歷龐洞
本邑人下同

清己酉科拔貢王世元

東洋大學師範畢業清廩生閻應台

採訪紳士

二等教育獎章清翰林院孔目丁酉科拔貢閻永清

河東警察傳習所畢業清廩生高拱辰

清已酉科拔貢楊泉林

清生員甯德祿

清郡庠生陳席珍

校對兼督刊

清五品銜廩生陳瑞

清生員王達衢

清生

員張鵬程

清生

員鄭燾

清生

員趙登壇

參閱

清

按

察

司

經

歷楊

隲

陸軍弁目學校畢業生陸軍步隊三營隊官王錫元

清生

員楊蔭壇

清

試

用

從

九

品成金榜

繕寫

清增

生張國俊

布

衣趙世祿

繪圖

清

生

員王永治

鄉寧縣志

例言 吳庚擬

鄉寧志修於清乾隆中續於光緒初前志體例未精然事實可採後志無體例無事實不足觀矣今一切廓清之凡所著錄從原本始如有採錄前志標明於下

志者史之一部分也其體與史近而不可以僭史三國志卽史矣而紀傳之名且不敢僭况郡國書乎近世作者漸明此例至山西通志抉擇益精其大綱六曰圖曰譜曰考曰略曰記曰錄取與史別今師其意爲圖譜考記錄而併略於考考偏於古略偏於今取同類也其不合者併於記

記與略亦相近也未益一門曰選以存文藝一隅之志與通志殊通志一省之大無取於曼衍此則取材不富卷數不充不得不廣張名目以存其舊也

圖之學今詳於古測量之器視古精也鄉寧萬山之中幅員尤廣路之曲折地之高下無處無之則測量難山脈橫密村堡繁多則繪畫難欲求真相恐不易得今以力所能至者爲總圖一爲分圖五爲煤窯圖一其古今沿革關係無多概從缺略

志多有表而表之名與史混弗敢僭焉通志易曰譜師鄭樵通志意用王儉七志例也茲仿其法爲譜八曰輿地沿

革譜古今地名之更易分合析併之時殊皆著焉曰鄉鎮
譜鎮集村堡距城之遠近區局之名目皆著焉曰職官譜
宋元以來迄於今日凡爲官師皆著焉曰貢舉譜制科以
下及五貢武科皆著焉其廩增附貢非貢舉也前志並列
今省之曰仕宦譜以紀仕籍曰戶口譜以紀人數曰學校
畢業譜曰選舉譜則又皆今日之所重也

通志考與略並列今一隅之志考無多略更少焉併而一
之仍曰考曰疆域考分疆域沿革道里關隘里甲區域各
目舊志分野之說通志星度之譜概略弗講曰山川考水
利附之曰古蹟考分城鎮山川塚墓坊表廟宇家廟各類

曰城邑考公署附之曰田賦考蠲免附之曰秩祀考凡考
六

併略於考而略之類有不可以考名者分而併於記爲記
七曰學制記分釋奠儒學書院學校各目曰營制記分綠
營練勇巡警各目曰積儲記分倉廩常平義倉各目曰風
土記分歲時婚喪祭物產各目曰大事記曰金石記曰雜
記

志各有傳爲例久矣洪洞王氏曰傳者釋經之名也史有
本紀然後有列傳志非史也奚以傳爲於是多年之例始
破通志易傳曰錄茲遵之爲錄十曰名宦錄曰鄉賢錄曰